



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

2. De prædicatione & baptismo Ioan[n]is. Matt. 3. Luc. 3.

[urn:nbn:de:hbz:466:1-60091](#)

erce: Vis non rigidè iudicari, non
damnari, multas tibi culpas indulge-
ri, magnas gratias præstari? Idem ex-
hibe proximo, & potieris voto tuo.
Gratitudo, zelus eximiæ fraternæ di-
lectionis.

III. *Quid autem vides festucam in oculo
fratris tui. Generale contra omnia pec-
cata, defectusque perfectæ dilectioni
oppositos suggerit remedium, quod
est proprias culpas, imperfectiones, &
miserias profundè agnoscere, semper-
que ob oculos mētis ponere. his enim
inspectis facile aliorum misereberis, &
quod tibi fieri, vel non fieri in simili
casu velles, aut non velles, hoc quo-
que alijs facies, aut non facies, & li-
benter portabis aliorum onera mino-
ra, ut alij portent patienter tua maio-
ra. Agnitio sui, & humiliatio.*

*De prædicatione & baptismo Ioan-
nis. Matth. 3. Luc. 3.*

II.

I. *C*hristus iam 30. annorum, of-
ficium prædicationis breui au-
spicaturus, voluit aduentum suum
per Ioannem prodromum suum, ad-
miranda victus & vestitus austernita-
te venerabilem, è deserto diuino in-
stinctu euocatū, mundo annuntiari, ut
osten-

ostenderet veros Euangelij præcones
& salutis animarum zelatores oportere
esse amantes secessus spiritualis, ar-
ctaque cum Deo familiaritatis, & pri-
us discere & facere in secreto, quod
docturi sunt verbo in publico. Studi-
um deuotionis, mortificationis, & vi-
tæ exemplaris.

II. Anno quintodecimo Imperij Ti-
berii Cæsaris Venit in omnem regionem
Iordanis, *prædicans baptismum pœnitentia-*
in remissionem peccatorum. Ioannes cùm
ab infantia vsq; ad trigesimum annum
in deserto se in magna vitæ austera-
te, in assidua diuinorum rerum con-
templatione, in vigili aduersus insi-
dias Sathanæ colluctatione, in Ange-
lica cordis puritate conseruanda & au-
genda exercisset, tandem impulsu
Spiritus sancti progressus in publicū
prædicationem suam in baptismo pœ-
nitentiæ auspicatus est, ut doceret ba-
ptismum à Christo instituendum esse
ianuam salutis, & pœnitentiam ini-
tium veræ ad Deum conuersionis; nec
posse quenquam esse idoneum Dei in
conuertendis animabus instrumentū,
nisi fuerit intimè eidem per studium
mortificationis, orationis & puritatis
cordis coniunctum. Feruor pœniten-
tiæ,

ties, & mortificationis, studium orationis & puritatis cordis.

III. Ioannes prædicationem suam diversis auditorum languoribus curandis prudenter attemperabat; proteruorum Pharisæorum, & Saducæorum hæreticorum errores acriter refutando; plebi, publicanis, militibus benignè præcepta salutis singulis accommodata impertiendo, omnes ad seriam pœnitentiam, tum spe præmiorum, tum metu suppliciorum, inflammando. Omnibus omnia factus est, ut omnes faceret saluos. Quisquis optat multas animas lucrari, hoc discretè studeat æmulari. Zelus discretus.

De Christi Baptismo. Matth. 3. III.

I. **C**hristus amantissimæ Matri, quam cum iam 30. annos suauissimè conuersatus fuerat, de eius quidē abiitu mōrenti, at de appropinquante redemptione Israelis gratulanti, valedixit, propositumque suum exposuit. Quām eximios resignationis affectus in hac ab inuicem diuulsione talis Mater, & talis Filius elicuerint, omnem affectum naturalis amoris exuendo, & diuino Patris beneplacito penitus se conformando, quām libenter Filium